

SKUPŠTINA KANTONA SARAJEVO

Z A P I S N I K
DRUGE HITNE SJEDNICE SKUPŠTINE KANTONA SARAJEVO,
održane u utorak, 03. marta 2015. godine sa početkom rada u 10,00 sati

Sarajevo, mart 2015.

**NA DRUGOJ HITNOJ SJEDINICI SKUPŠTINE KANTONA SARAJEVO
PRISUSTVOVALI SU POSLANICI/ZASTUPNICI:**

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Delalić Sabahudin
5. Dovadžija Amar
6. Konaković Elmedin
7. Kozadra Muhamed
8. Mašović Amor
9. Okerić Elmedin

DEMOKRATSKA FRONTA – ŽELJKO KOMŠIĆ

1. Akšamija Goran
2. Avdibegović Neira
3. Bukva Sejo
4. Kerla Bibija
5. Omerbegović Mersiha
6. Pindžo Mirsad
7. Vukasović Mario

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudin
3. Jusko Ismir
4. Marić Zvonko
5. Rađo Dževad
6. Solaković Adnan

SOCIJALDEMOKRATSKA PARTIJA BOSNE I HERCEGOVINE

1. Aljović Hamed
2. Mekić Amel
3. Srna Bajramović Srna
4. Šućur Slaviša

NAŠA STRANKA

1. Ćudić Sabina
2. Forto Edin
3. Kojović Predrag

BOSANSKA STRANKA – MIRNES AJANOVIĆ

1. Haris Pleho
2. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

1. Bjelak Nermin
2. Halilović Semir

TOK SJEDNICE

Drugu hitnu sjednicu Skupštine Kantona Sarajevo 03. marta 2015.godine u 10,00 sati, otvorio je predsjedavajući Sejo Bukva.

U skladu sa članom 10. Poslovnika Skupštine Kantona Sarajevo, 16.02.2015.godine, Odlukom o izboru predsjedavajućeg Skupštine, za predsjedavajućeg Skupštine izabran je Sejo Bukva.

Prema evidenciji Službe sjednici su prisustvovala 33 poslanika, što je bio dovoljan broj za punovažan rad i odlučivanje, a izostanak sa ove sjednice opravdano su najavili poslanici/zastupnici: Selma Filipović i Fikret Prevljak.

U skladu sa konačnom odlukom donesenom 23.02.2015. godine na sjednici Kolegija Skupštine Kantona Sarajevo utvrđen je hitni karakter sjednice, te datum održavanja.

Prije prelaska na utvrđivanje Dnevnog reda predsjedavajući Bukva je podsjetio da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice, te je prešao na postupak utvrđivanja hitnosti donošenja **Prijedloga Zakona o izmjenama Zakona o radno-pravnom statusu poslanika u Skupštini Kantona Sarajevo.**

Kao predstavnik predlagača tri zakona koja su na dnevnom redu Hitne sjednice i to:

1. Zakona o izmjenama i dopunama Zakona o radno pravnom statusu poslanika u Skupštini Kantona Sarajevo, 2. Zakona o izmjenama Zakona o radno pravnom statusu članova Vlade Kantona Sarajevo i 3. Zakona o izmjenama Zakona o plaćama i naknadama u organima vlasti Kantona Sarajevo, poslanik/zastupnik Mirsad Pindžo dao je obrazloženje za donošenje istih po hitnom postupku. On je dalje naglasio da bi se predloženim izmjenama ova tri Zakona napravile značajne uštede u Budžetu Kantona Sarajevo, obzirom da se ukida naknada plaće nakon prestanka funkcije tzv. bijeli hljeb i ukidaju se pozicije savjetnika- izabranih i imenovanih funkcionera u Kantonu Sarajevo. Razlog hitnosti jeste donošenje ovih izmjena prije donošenja Budžeta Kantona Sarajevo za 2015.godinu.

U nastavku sjednice ministrica pravde i uprave Velida Memić je dala uvodne napomene i razloge za donošenje **Zakona o izmjenama zakona o organizaciji i djelokrugu organa uprave i upravnih organizacija Kantona Sarajevo** po hitnom postupku i naglasila da se radi o neodložnoj potrebi da se definišu ministarstva i njihove nadležnosti prije imenovanja ministara u novom sazivu. Ne donošenje ovog Zakona prije imenovanja novih ministara izazvalo bi štetne posljedice po društvene interese Kantona jer bi se dogodilo imenovanje izvršne vlasti, odnosno kasnijim izmjenama i dopunama zakona moralo bi se vršiti razrješenje i ponovo imenovanje ministara.

Nakon obraćanja ministrice pravde i uprave predsjedavajući Bukva je pozvao poslanike da pristupe izjašnjavanju da se Prijedlog Zakona o izmjenama Zakona o radno-pravnom statusu poslanika u Skupštini Kantona Sarajevo donese po hitnom postupku.

NAKON IZVRŠENOG GLASANJA PREDSJEDAVAJUĆI JE KONSTATATOVAO DA JE SKUPŠTINA USVOJILA PRIJEDLOG DA SE ZAKON O IZMJENAMA ZAKONA O RADNO-PRAVNOM STATUSU POSLANIKA U SKUPŠTINI KANTONA SARAJEVO DONESE PO HITNOM POSTUPKU SA 33 GLASA "ZA".

Usljedilo je utvrđivanje hitnosti donošenja **Prijedloga Zakona o izmjenama Zakona o radno-pravnom statusu članova Vlade Kantona Sarajevo** pa je uvodne napomene i razloge za donošenje ovih Zakona po hitnom postupku podnio poslanik/zastupnik Mirsad Pindžo ispred Kluba poslanika Demokratske fronte.

Nakon obraćanja poslanika/zastupnika Mirsada Pindže predsjedavajući je konstatovao da se niko nije prijavio za raspravu pa je pozvao poslanike da **pristupe izjašnjavanju o Prijedlogu da se Zakon o izmjenama Zakona o radno-pravnom statusu članova Vlade Kantona Sarajevo donese po hitnom postupku.**

NAKON IZVRŠENOG GLASANJA PREDSJEDAVAJUĆI JE KONSTATOVAO DA JE SKUPŠTINA JEDNOGLASNO (33 "ZA") USVOJILA PRIJEDLOG DA SE ZAKON O IZMJENAMA ZAKONA O RADNO-PRAVNOM STATUSU ČLANOVA VLADE KANTONA SARAJEVO DONESE PO HITNOM POSTUPKU.

PREDSJEDAVAJUĆI JE POZVAO POSLANIKE DA PRISTUPE IZJAŠNJAVANJU O PRIJEDLOGU DA SE ZAKON O IZMJENAMA ZAKONA O PLAĆAMA I NAKNADAMA U ORGANIMA VLASTI KANTONA SARAJEVO DONESE PO HITNOM POSTUPKU.

NAKON IZVRŠENOG GLASANJA PREDSJEDAVAJUĆI JE KONSTATOVAO DA JE SKUPŠTINA JEDNOGLASNO (33 "ZA") USVOJILA PRIJEDLOG DA SE ZAKON O IZMJENAMA ZAKONA O PLAĆAMA I NAKNADAMA U ORGANIMA VLASTI KANTONA SARAJEVO DONESE PO HITNOM POSTUPKU.

Predsjedavajući je podsjetio da je četvrti Prijedlog zakona po hitnom postupku **Zakon o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo.**

OBZIROM DA NIJE BILO PITANJA NITI RASPRAVE, PREDSJEDAVAJUĆI JE POZVAO POSLANIKE DA PRISTUPE IZJAŠNJAVANJU O PRIJEDLOGU DA SE ZAKON O IZMJENAMA I DOPUNAMA ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO DONESE PO HITNOM POSTUPKU.

NAKON GLASANJA PREDSJEDAVAJUĆI JE KONSTATOVAO DA JE SKUPŠTINA JEDNOGLASNO (33 "ZA") USVOJILA PRIJEDLOG DA SE ZAKON O IZMJENAMA I DOPUNAMA ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO DONESE PO HITNOM POSTUPKU.

UTVRĐIVANJE DNEVNOG REDA

Na prijedloge poslanika/zastupnika Predraga Kojovića i Dževada Rađe Skupština Kantona Sarajevo je prihvatila da se u dnevni red uvrste sljedeće tačke:

- 1. Izmjene i dopune Poslovnika Skupštine Kantona Sarajevo i*
- 2. Prijedlog odluke o izmjeni Odluke o izboru Komisije za izbor i imenovanja i administrativna pitanja.*

Skupština Kantona Sarajevo je jednoglasno sa 33 glasa “za” utvrdila sljedeći

DNEVNI RED:

- 1. Prijedlog Zakona o izmjenama Zakona o radno-pravnom statusu poslanika u Skupštini Kantona Sarajevo (hitni postupak);*
- 2. Prijedlog Zakona o izmjenama Zakona o radno-pravnom statusu članova Vlade Kantona Sarajevo (hitni postupak);*
- 3. Prijedlog Zakona o izmjenama Zakona o plaćama i naknadama u organima vlasti Kantona Sarajevo (hitni postupak);*
- 4. Prijedlog Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo (hitni postupak);*
- 5. Izmjene i dopune Poslovnika Skupštine,*
- 6. Prijedlog odluke o dopuni Odluke o usklađivanju statusa Javnog preduzeća „Rad“ sa p.o. Sarajevo sa Zakonom o javnim preduzećima u Federaciji BiH;*
- 7. Prijedlog rješenja o privremenom imenovanju Upravnog odbora Kantonalne agencije za privatizaciju Sarajevo;*
- 8. Informacija o inicijativi za izmjenu Zakona o pripadnosti javnih prihoda u Federaciji BiH;*
- 9. Prijedlog odluke o izmjeni Odluke o izboru Komisije za izbor i imenovanja i administrativna pitanja.*

AD – 1.

PRIJEDLOG ZAKONA O IZMJENAMA ZAKONA O RADNO-PRAVNOM STATUSU POSLANIKA U SKUPŠTINI KANTONA SARAJEVO – HITNI POSTUPAK

Prijedlog ovog Zakona poslanici su dobili uz poziv za sjednicu.

Skupština je donijela odluku da se po tačkama 1.,2.,3. obavi jedinstvena rasprava.

U raspravi su učestvovali: poslanik/zastupnik Elmedin Konaković, Poslanik/zastupnik Zvonko Marić, poslanik/zastupnik Adnan Solaković, poslanik/zastupnik Eldar Čomor, vršilac funkcije premijera Muhamed Kozadra, poslanik/zastupnik Izudin Bajrović, poslanik/zastupnik Semir Halilović, poslanik/zastupnik Bibija Kerla.

Nakon zaključene rasprave uslijedilo je glasanje.

NAKON IZVRŠENOG GLASANJA PREDSEDAVAJUĆI JE KONSTATOVAO DA JE SKUPŠTINA JEDNOGLASNO (33 "ZA") DONIJELA ZAKON O IZMJENAMA ZAKONA O RADNO-PRAVNOM STATUSU POSLANIKA U SKUPŠTINI KANTONA SARAJEVO PO HITNOM POSTUPKU.

AD – 2.

NAKON IZVRŠENOG GLASANJA PREDSEDAVAJUĆI JE KONSTATOVAO DA JE SKUPŠTINA JEDNOGLASNO (33 "ZA") DONIJELA ZAKON IZMJENAMA ZAKONA O RADNO-PRAVNOM STATUSU ČLANOVA VLADE KANTONA SARAJEVO.

AD – 3.

PRIJEDLOG ZAKONA O IZMJENAMA ZAKONA O PLAĆAMA I NAKNADAMA U ORGANIMA VLASTI KANTONA SARAJEVO (HITNI POSTUPAK)

NAKON IZVRŠENOG GLASANJA PREDSEDAVAJUĆI JE KONSTATOVAO DA JE SKUPŠTINA JEDNOGLASNO (33 "ZA") DONIJELA ZAKON O IZMJENAMA ZAKONA O PLAĆAMA I NAKNADAMA U ORGANIMA VLASTI KANTONA SARAJEVO.

Na prijedlog poslanika/zastupnika Mirsada Pindže, Skupština je jednoglasno (25 "za") usvojila sljedeći:

ZAKLJUČAK

„Obavezuju se Vlada Kantona Sarajevo, skupštine JKP, nadzorni odbori i uprave JKP, čiji je osnivač Kanton Sarajevo, da svako u svojoj nadležnosti, u roku od 30 dana od usvajanja ovoga zaključka izmjene svoje Pravilnike o unutrašnjoj organizaciji i sistematizaciji radnih mjesta, kao i druge akte kojima su eventualno regulirana pitanja imenovanja savjetnika i ukinu sve savjetničke pozicije izabranih i imenovanih osoba u preduzeću.“

AD – 4.

PRIJEDLOG ZAKONA O IZMJENAMA I DOPUNAMA ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO (HITNI POSTUPAK)

Prijedlog ovog Zakona poslanici su dobili uz poziv za sjednicu.

Uvodne napomene po ovom Prijedlogu zakona podnijela je ministrica pravde i uprave Velida Memić.

Uz ministricu pravde i uprave Velidu Memić, vršioca funkcije premijera Muhameda Kozadre i ministra prostornog uređenja Zlatka Petrovića u raspravi su učestvovali sljedeći poslanici/zastupnici: Elmedin Konaković, Mirsad Pindžo i Slaviša Šućur.

Nakon rasprave, poslanik/zastupnik Mirsad Pindžo je zatražio pauzu od pola sata, kako bi izvršili konsultaciju oko glasanja po ovom Prijedlogu zakona.

U NASTAVKU ZASJEDANJA PREDSEDAVAJUĆI JE POZVAO POSLANIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO.

NAKON IZVRŠENOG GLASANJA PREDSEDAVAJUĆI JE KONSTATOVAO DA JE SKUPŠTINA JEDNOGLASNO (27 "ZA") DONIJELA ZAKON O IZMJENAMA I DOPUNAMA ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO.

Uslijedila je realizacija tačke 5.

AD – 5.

PRIJEDLOG IZMJENA I DOPUNA POSLOVNIKA SKUPŠTINE

Prijedlog Izmjena i dopuna Poslovnika podijeljen je poslanicima na samoj sjednici.

Kao predlagač poslanik/zastupnik Predrag Kojović se obratio Skupštini i dao razloge za ovakvu izmjenu u Poslovniku, a vezano za sazivanje hitnih sjednica: "Po našem aktuelnom rješenju u Poslovniku, vrlo je teško Vladi inicirati sazivanje hitnih sjednica, a ja očekujem da bi Vlada koja treba da se u narednom periodu uhvati u koštac sa mnogobrojnim problemima u kojima se Kanton Sarajevo nalazi, trebala imati mogućnost da i kada nisu u pitanju neposredna ratna opasnost i prirodne katastrofe sazove ovu sjednicu jer po meni Skupština treba. Skupština ima svoju ulogu ali treba na neki način da bude i servis Vladi odnosno da omogući Vladi da radi efikasnije i brže, pa da ne bismo morali u budućnosti voditi intelektualnu akrobatiku kako bismo sazivali hitne sjednice predložio ovu jednu malu izmjenu u kojoj se inicijativa za sazivanje hitnih sjednica daje i Vladi koji to mogu tražiti od predsjedavajućeg, od vas predsjedavajući Skupštine."

Nakon obraćanja poslanika/zastupnika Predraga Kojovića uslijedila je diskusija u kojoj su učestvovali sljedeći poslanici/zastupnici: Elmedin Konaković, Izudin Bajrović, Predrag Kojović, Sabina Ćudić, Zvonko Marić, Mirsad Pindžo, Sabahudin Delalić, Slaviša Šućur, Adnan Solaković, Amor Mašović i Kemal Ademović. Kroz raspravu poslanik/zastupnik Elmedin Konaković je predložio da poslanik/zastupnik Kojović povuče ovaj materijal kako bi se on formulisao na pravi način sa tačnom definicijom u alinejama i članovima i išao kao prijedlog već na sljedećoj sjednici.

Materijal za ovu tačku je povučen tako da je uslijedila realizacija sljedeće tačke dnevnog reda.

AD – 6.

PRIJEDLOG ODLUKE O DOPUNI ODLUKE O USKLAĐIVANJU STATUSA JAVNOG PREDUZEĆA „RAD“ SA P.O. SARAJEVO SA ZAKONOM O JAVNIM PREDUZEĆIMA U FEDERACIJI BIH

Prijedlog ove Odluke poslanici su dobili uz poziv za sjednicu.

Uvodne napomene podnio je ministar prostornog uređenja i zaštite okoliša Zlatko Petrović u kojima je naglasio potrebu formiranja higijenskog servisa na području Kantona Sarajevo kako bi se sa ulica uklonili napušteni i bolesni psi.

Predsjedavajući je informisao Skupštinu da postoji zahtjev za obraćanje od strane predstavnika građana za sprječavanje okrutnosti nad životinjama SOS Sarajevo te pozvao poslanike da se izjasne o tome da li će dopustiti predstavniku da se obrati poslanicima. Skupština je jednoglasno prihvatila zahtjev za obraćanje i Skupštini se obratila Dalila Kozlić, diplomirani pravnik koji se bavi pravnom zaštitom životinja.

Nakon obraćanja predstavnika Udruženja SOS Sarajevo uslijedila je diskusija u kojoj su učestvovali: ministar prostornog uređenja i zaštite okoliša Zlatko Petrović, vršilac funkcije

premijera Muhamed Kozadra, poslanik/zastupnik Bibija Kerla, poslanik/zastupnik Elmedin Konaković, poslanik/zastupnik Adnan Solaković, poslanik/zastupnik Zvonko Marić, poslanik/zastupnik Kemal Ademović, poslanik/zastupnik Haris Pleho, poslanik/zastupnik Mario Vukasović, poslanik/zastupnik Izudin Bajrović i poslanik/zastupnik Ismir Jusko.

NAKON RASPRAVE PRISTUPILO SE IZJAŠNJAVANJU O PRIJEDLOGU ODLUKE O DOPUNI ODLUKE O USKLAĐIVANJU STATUSA JAVNOG PREDUZEĆA „RAD“ SA P.O. SARAJEVO SA ZAKONOM O JAVNIM PREDUZEĆIMA U FEDERACIJI BIH.

SKUPŠTINA JE JEDNOGLASNO (27 "ZA") DONIJELA ODLUKU O DOPUNI ODLUKE O USKLAĐIVANJU STATUSA JAVNOG PREDUZEĆA „RAD“ SA P.O. SARAJEVO SA ZAKONOM O JAVNIM PREDUZEĆIMA U FEDERACIJI BIH.

AD – 7.

PRIJEDLOG RJEŠENJA O PRIVREMENOM IMENOVANJU UPRAVNOG ODBORA KANTONALNE AGENCIJE ZA PRIVATIZACIJU SARAJEVO

Prijedlog ovog Rješenja poslanici su dobili uz poziv za sjednicu.

Uvodne napomene podnio je v.f. premijera Muhamed Kozadra.

OBZIROM DA NIJE BILO PRIJAVLJENIH ZA RASPRAVU PRESJEDAVAJUĆI JE POZVAO POSLANIKE DA PRISTUPE IZJAŠNJAVANJU O PRIJEDLOGU RJEŠENJA O PRIVREMENOM IMENOVANJU UPRAVNOG ODBORA KANTONALNE AGENCIJE ZA PRIVATIZACIJU SARAJEVO.

SKUPŠTINA JE VEĆINOM GLASOVA (23 "ZA" I 7 "SUZDRŽANIH") USVOJILA RJEŠENJE O PRIVREMENOM IMENOVANJU UPRAVNOG ODBORA KANTONALNE AGENCIJE ZA PRIVATIZACIJU SARAJEVO.

Na prijedlog predsjedavajućeg Skupštine izvršena je izmjena u dnevnom redu tako da se prvo razmatra tačka: Prijedlog odluke o izmjeni Odluke o izboru Komisije za izbor i imenovanja i administrativna pitanja kao tačka 8., pa onda tačka : Informacija o inicijativi za izmjenu Zakona o pripadnosti javnih prihoda u Federaciji BiH, kao tačka 9. zbog prezentacije koja ide uz ovu Informaciju.

AD - 8.

PRIJEDLOG ODLUKE O IZMJENI ODLUKE O IZBORU KOMISIJE ZA IZBOR I IMENOVANJE I ADMINISTRATIVNA PITANJA

Kao predstavnik predlagača, Skupštini se obratio poslanik/zastupnik Elmedin Konaković te izvijestio Skupštinu da je Komisija zasjedala te da je na toj sjednici urađena jedna promjena u sastavu članova Komisije za izbor i imenovanja i administrativna pitanja. Umjesto predsjedavajućeg komisije Elmedina Konakovića predložen je poslanik/zastupnik Kemal Ademović i umjesto člana komisije Dževada Rađe predložen je poslanik/zastupnik Adnan

Solaković.

ZA RASPRAVU NIJE BILO PRIJAVLJENIH PA JE PREDSDJEDAVAJUĆI POZVAO POSLANIKE DA SE IZJASNE O PRIJEDLOGU ODLUKE O IZBORU KOMISIJE ZA IZBOR I IMENOVANJA I ADMINISTRATIVNA PITANJA.

NAKON GLASANJA PREDSDJEDAVAJUĆI JE KONSTATOVAO DA JE SKUPŠTINA JEDNOGLASNO (24 "ZA") DONIJELA ODLUKU O IZMJENI ODLUKE O IZBORU KOMISIJE ZA IZBOR I IMENOVANJA I ADMINISTRATIVNA PITANJA.

Nakon realizacije 8. tačke dnevnog reda uslijedila je pauza u radu Skupštine u trajanju od sat vremena.

NASTAVAK NAKON PAUZE u 16,00 sati

AD – 9.

INFORMACIJA O INICIJATIVI ZA IZMJENU ZAKONA O PRIPADNOSTI JAVNIH PRIHODA U FEDERACIJI BIH

Informaciju su poslanici dobili pred početak sjednice.

Uvodno izlaganje imao je v.f. premijera Muhamed Kozadra koji je izložio prezentaciju na dva zakona, Zakon o pripadnosti javnih prihoda u FBiH i Zakon o dugu, zaduženju i garancijama.

Predsjedavajući se zahvalio ministru Muhamedu Kozadri i otvorio raspravu po ovoj tački dnevnog reda i u njoj su učestvovali: poslanik/zastupnik Adnan Solaković, poslanik/zastupnik Predrag Kojović, poslanik/zastupnik Zvonko Marić, v.f. premijera Muhamed Kozadra, poslanik/zastupnik Predrag Kojović, poslanik/zastupnik Segmedina Srna Bajramović, poslanik/zastupnik Semir Halilović, poslanik/zastupnik Kemal Ademović i poslanik/zastupnik Elmedin Konaković.

U okviru ove tačke dnevnog reda Skupština je jednoglasno (20 "ZA") donijela sljedeće

ZAKLJUČKE:

Skupština Kantona Sarajevo pokreće inicijativu:

- 1) Da se obustavi procedura izmjene Zakona o pripadnosti javnih prihoda u FBiH po zahtjevu Tuzlanskog kantona i ostalih;*
- 2) Da se sačini sveobuhvatna analiza prijava i ubiranja (uplata) indirektnih poreza po svim nivoima vlasti (općina, kantona i FBiH) a potom pokrenu izmjenu Zakona o pripadnosti javnih prihoda;*

- 3) *Da se sačini sveobuhvatna analiza Vanjskog duga kod svih nivoa vlasti (općine, kanton i FBiH) a potom pokrenu izmjenu Zakona o dugu, zaduženju i garancijama.*

Nadalje, na prijedlog poslanika Kemala Ademovića Skupština je jednoglasno (20 "ZA") donijela i sljedeće

ZAKLJUČKE:

- 1. Zahtijevamo da se zastupnici u Domu naroda Parlamenta FBiH koji dolaze iz Kanton Sarajevo u parlamentarnoj proceduri zatraži skidanje sa dnevnog reda i razmatranje i donošenje zakona o pripadnosti javnih prihoda da sačinjava sveobuhvatne analize, prijave i ubiranja indirektnih poreza po svim nivoima vlasti.*
- 2. Formira se radna grupa u sastavu: Sejo Bukva- predsjednik, Muhamed Kozadra – zamjenik predsjednika, Segmedina Srna Bajramović – član, Peđa Kojović – član, te tri predstavnika Vlade Kantona Sarajevo koje će Vlada izabrati u roku od sedam dana. Zadatak ove radne grupe je da prati aktivnosti vezane za izmjene i dopune zakona o pripadnosti javnih prihoda i zakona o dugu i da učesće među parlamentarnim razgovorima vezanim za navedene zakone.*

Nakon realizacije posljednje tačke dnevnog reda, predsjedavajući Sejo Bukva je zaključio rad na Drugoj Hitnoj sjednici Skupštine Kantona Sarajevo u 18,40 sati.

Zapisnik izradila:
Jasminka Deliahmetović

SEKRETAR

SKUPŠTINE KANTONA SARAJEVO

Abid Kolašinac dipl. pravnik

PREDSJEDAVALAČI

SKUPŠTINE KANTONA SARAJEVO

Sejo Bukva